

ACTA DERA SESSION ORDINARIA DETH PLEN DER AJUNTAMENT DETH DIA 28 DE SETEME DE 2.007.

Dia: 28 de seteme de 2.007

Orari: 21 ores a 22 ores 10 minutes

Lòc: Sala de Sessions dera Casa dera Vila.

Hi assistisen:

ALCALDE: Francisco Rodríguez Miranda

CÒSSOS: Marga Barón Palacio

Manel Barrau Salmerón

María Angeles Medan Noguera

Ignacio Gómez Pérez

Jose María Castellá Rella

Jesús Antonio Folgar Janeiro

José López Ruiz

Daniel Burguete García

Secretari: Enrique Servat Saforcada

Constatada era existència deth quòrum de besonh entara valida constitucion deth Plen, er Alcalde daurís era session e se passen a tractar es diuersi ahèrs inloïdi ena orde deth dia .

1.-APROVACION ACTA SESSION DE 16 DE JUNHSÈGA DE 2.007.

S'apròve per unanimitat er acta dera session extraordinària qu'auèc lòc eth dia 16 de junhsèga de 2.007, dera quau non se hèr lectura pr'amor de qu'es còssos dispausen d'ua còpia, qu' a estat remetuda amassa damb era convocatòria, e ara quau toti dan conformitat.

2.-APROVACION DETH NOMENAMENT DERA SRA. MARGA BARON PALACIO COMA TRESORERA EN SUSTITUCION DETH SR. MANEL BARRAU SALMERON

Er Alcalde presente ath Plen era prepausa d'acòrd que ditz:

Cossent damb er acòrd adoptat peth Plen d'aprovacion deth cartipàs, de 16 de junhsèga de 2.007, peth quau se nomenèc ath còsso Sr. Manel Barrau Salmeron, coma tresorer.

Cossent damb eth besonh constatat de procedir ara sustitucion deth tresorer pr'amor d' aconseguir ua major celeritat enes tràmits pròpis de tresoreria.

Se prepausa ath Plen:

PRUMÈR: Nomenar ara Sra. Marga Baron Palacio coma tresorera en substitucion deth Sr. Manel Barrau Salmerón e totun quede tanplan relevada dera prestacion dera fidança responent administratiuament dera sua gestion er ajuntament.

SEGON: Publicar aquest acòrd en eth BOP.

Sometuda era prepausa a votacion, s'apròve per unanimitat.

3.-APROVACION MODIFICACION DER ORARI CELEBRACION DES SESSIONS DERA JUNTA DE GOVERN LOCAU

Er Alcalde presente ath Plen era següenta prepausa d'acòrd que ditz:

Cossent damb er acòrd adoptat peth Plen d'aprovacion deth cartipàs, de 16 de junhsèga de 2.007, peth quau se fixe es diuendres entàs 20 ores, era celebracion des sessions dera Junta de Govern Locau.

Cossent damb era coincidència oraria que se constate que se produís damb es sessions ordinàries deth Plen.

Se prepausa ath Plen:

PRUMÈR: Modificar eth punt segon der acord deth Plen de 16/07/2007, en çò relatiu ath dia e ora de celebracion des sessions dera Junta de Govern Locau, establint es dimecres entàs onze ores.

SEGON: Publicar aquest acòrd en eth BOP.

Sometuda a votacion era prepausa s'apròve per unanimitat.

4.-APROVACION DERA PREPAUSA DES HÈSTES LOCAUS 2.008

Er Alcalde presente ath Plen era següenta prepausa d'acòrd:

Cossent damb çò dispausat en article 37.2 der Estatut des Treballadors

S'acòrde per unanimitat:

PRUMÈR: Prepausar qu'es següenti dies siguen fixadi coma hèstes locals de Bossòst entath 2.007.

-5 de hereuèr

-13 de junh

SEGON: Notificar aquest acord ara Delegacion Territorial de Lleida deth Departament de Treball e Industria dera Generalitat de Catalunya.

Sometuda a votacion s'apròve per unanimitat.

5.-RATIFICACION DECRET D'ALCALDIA DE 31-07-2007, RELATIU ARA ADESION DER AJUNTAMENT DE BOSSÒST ARA FEDERACIÓ DE MUNICIPIS DE CATALUNYA.

Vist eth Decret d'Alcaldia de 31 de junhsèga de 2.007, que textuaument ditz:
"Cossent damb er interés d'integrar er Ajuntament de Bossòst ena Federació de Municipis de Catalunya.

È RESOLT:

PRUMÈR: Sollicitar ara Federació de Municipis de Catalunya, era adesion coma membre de plen dret der Ajuntament de Bossòst, a toti es efectes legaus que tanplan siguen d'aplicacion.

SEGON: Aprovar er abonament dera quota entath exercici 2.008 que correspongue, coma contribució ara Federacion entath sòn finançament, en tot èster gratuïta era que pertòque ar an 2.007.

TRESAU: Facultar ath Senhor Alcalde, entara signatura des documents que siguen de besonh entar execucion deth present acord.

QUATAU: Notificar eth contengut deth present Decret ara Federació de Municipis de Catalunya as efectes que siguen d'aplicacion.

CINQUAU: Someter aquest Decret a ratificacion deth Plen, ena prumèra session que celebre.

Atau ath mane er Alcalde, e signe en presència mia, eth Secretari, qu'en dongui fe. En Bossòst a 31 de junhsèga de 2.007.

Se prepausa ath
Plen:

PRUMÈR: Ratificar en tot eth son contengut eth Decret d'Alcaldia de 31 de junhsèga de 2.007.

Sometut a votacion s'acòrde per unanimitat.

6.-APROVACION RENOVACION OPERACION DE TRESORERIA PER IMPÒRT DE 117.200 EUROS.

Er Alcalde manifeste que cossent damb eth besonh de concertar ua operacion de tresoreria, se prepaue ath Plen adoptar es següents acòrds:

PRUMÈR: Sollicitar e contratar ua operacion de credit de “ cent detz-a-set mil dus cents euros (117.200 €), damb era Caixa d’Estalvis i Pensions de Barcelona.

Es condicions dera operacion son es següentes:

Capitau: 117.200 Euros

Interès: Euroribor trimestrau +0’50

Comission de dubertura: 0’25 % s/ capitau sollicitat.

Comission de non disponibilitat. 1% annuau

Comission d’estudi:0’25 %

Data: 1 an a compdar dera data contracte.

Aprovant- se era minuta deth compde presentat pera Caixa e que recoelh es nomentades condicions.

SEGON: Qu’eth referit compde a per objecte atièr es besonhs transitòries de tresoreria derivades des diferències de venciment des pagaments e des ingrèssi, establint-se que eth tèrme sigue d’un an estant en eth projècte deth pressupòst çò referent as despenes, es partides previstes entath pagament des interesi, comissions e amortizacion de capitau.

TRESAU: Qu’era garantia especifica dera operacion dera pòlissa de crèdit entara realizacion d’aquesta operacion se dispause que siguen es ingrèssi corresponenti ath capitol III deth pressupòst ena part non gravada per operacions de prèst constituïdes, atau com era recaudacion der IBI de naturalesa urbana .

QUATAU: Autorizar a Francisco Rodríguez Miranda, Alcalde-President d’aquesta Corporacion, entà formalizar es contractes de compte de crèdit, enes tèrmes que resulten des acòrds dera presenta session.

CINQUAU : Designar as persones e cargues que a continuacion se nomenen, pr’amor que constituïssen es que pòden dispausar en compde corrent dubèrt ena sucursau dera Caixa de Bossòst compde 0200000419.

Francisco Rodríguez Miranda.- Alcalde

Enrique Servat Saforcada. Secretari-inteventor

Marga Barón Palacio. Tresorèra.

Establlint era disponibilitat segontes çò contemplat en compde corrent.

SIESAU: Reméter ara Direccion de Politica financera deth Departament d’Economia e Finances era informacion assenhalada ena Ordre de 28 de junh de 1.999, as efectes de constància des cargues finances.

Sometuda era prepasua a votacion s'apròve damb eth vòt a favor des 7 còssos d'UA-PM-PSC e era abstencion des 2 còssos de CDA, indicant eth Sr. López qu'era abstencion ei ena madeisha tonica de çò efectuat sus aquest ahèr pera oposicion ena anterior legislatura.

7.-MODIFICACION ESTATUTS DETH CONSÒRCI DERA TELEVISION DIGITAU TERRESTRE

Er Alcalde explique era situacion en que se trape er expedient entara constitucion deth consòrci dera Television Digitau d'Aran, e atau manifeste que pr'amor dera aprovacion en seteme de 2.006 per Ajuntament de Bossòst, des estatuts entara creacion deth consòrci, damb ua representacion paritaria en eth Plen, des tres Ajuntaments (Naut Aran, Vielha e Mijaran e Bossòst), e dempús d'un periòde de paralizacion der expedient, s'a considerat, pr'amor des darrères converses mantengudes damb es membres des auti ajuntaments implicadi, eth repréner er expedient, damb ua previa modificacion des estatuts aprovadi, en que quedese reflectida ua naua representatiuetat des ajuntaments en eth Plen deth consòrci, atau coma era constància dera aportacion ath finançament des despenes.

Continue diguen, qu'es auti dus ajuntaments an aprovat dejà era modificacion, mès damb ua aportacion ath pressupòst deth que non ei d'acòrd pr'amor que se fixe era aportacion a efectuar per Bossòst en eth porcentatge deth 25 %, quan considere qu' aurie d'èster deth 20 %, e tanplan s'a redactat era prepausa d'acòrd que ditz:

Cossent damb era aprovacion peth Plen der Ajuntament en session de 19 de deseme de 2.006, dera creacion deth consòrci entara gestion dera Television Digitau Locau Publica d'Aran, ataua coma era aprovacion iniciau des sòns estatuts pes quaus s'aurà de regir.

Cossent damb es converses mantengudes damb es representants des Ajuntaments de Naut Aran e Vielha e Mijaran, sus eth besonh de modificar es articles 11.2 e 20.2 des estatuts.

Se prepausa eth següent acòrd:

PRUMÈR: Modificar er article 11.2 des Estatuts deth Consòrci dera Television Digitau Terrestre, aprovadi peth Plen en session de 19 de deseme de 2.006, que quedarà redactat coma seguís:

“2. Els ajuntaments referits en l'article 2.1 tindran en el Ple del Consorci la següent representació:

Ajuntament de Vielha e Mijaran:	3 representants
Ajuntament de Naut Aran:	2 representants
Ajuntament de Bossòst:	1 representant

SEGON: Modificar er article 20 punt 2 des referits estatuts, que quedarà redactat:

2. La participació dels ajuntaments membres en el finançament de les despeses de funcionament del consorci es calcularan aplicant a la totalitat de les despeses a subvenir els següents percentatges:

Ajuntament de Vielha e Mijaran: 44'67 %
Ajuntament de Naut Aran: 35'33 %
Ajuntament de Bossòst: 20'00 %

En el cas de les entitats referides en l'article 2.2 dels presents estatuts, aquesta participació podrà determinar-se en el conveni d'adhesió referit a l'article 3.1"

TRESAU : Publicar aquest acord en eth Butletin Oficial de la Província.

QUATAU: Notificar aquest acord ar Ajuntament de Naut Aran e ar Ajuntament de Vielha e Mijaran.

Sometuda era prepausa a votacion, s'apròve per 7 vòts a favor (còssos de UA-PM-PSC) e 2 abstencions de CDA, manifestant eth Sr. Lòpez qu'era abstencion ven dada pr'amor que dempús dera exposicion hèta non ac ve clar.

8.- EXPEDIENT DE MODIFICACION DE CREDITOS 02/07. (INCLOIT ENA ORDE DETH DIA EN BASE AR ARTICLE 82.3 DETH ROF: Urgència pes termes perentoris en er expedient de referència)

Damb caràcter previ ath debat e deliberacion der ahèr, cossent damb çò dispausat en er article 82.3 deth RD 2568/86, per unanimitat des assistents s'acòrde era ratificacion dera urgència, e totun a continuacion se procedís a debatre eth hons der ahèr:

Entà atier eth pagament des obligacions que se detalhen a continuacion , entas quaus era consignacion ei insuficienta, totun ei de besonh eth tramitar er expedient de suplement de credit que s'a de finançar per miei de majors e nauí ingressi efectivament recaptadi deth pressupost vigent dera corporacion, que se corresponen damb es ingressi recaptadi en concèpte dera hèsta major de Bossòst 2.007, e cossent as disposicions vigentes:

Despenes que cau finançar:

1) SUPLEMENTS DE CREDIT:

Partida Consignacion	Nom	Consignacion iniciau	Proposta d'increment	Proposta definitiva
---------------------------------	------------	---------------------------------	---------------------------------	--------------------------------

226.07	Hèstes populars	67.917,95	34.046,50	101.964,50
--------	-----------------	-----------	-----------	------------

TOTAL CREDITS EN AUGMENT..... 34.046,50

Finançament que se prepausa:

1)Majors e/o nauï ingressi efectiuament recaptats , non afectats:

399.03	ingressi per hèstes	34.046,50
--------	---------------------	-----------

TOTAU FINANÇAMENT..... 34.046,50

Per çò que prepausi ath plen era adopcion des següents acòrds:

PRUMER: Aprovar er expedient de suplement de credit numèro 01/2007, que cau finançar damb majors o nauï ingressi efectiuament recaudadi, deth pressupòst vigent dera corporacion.

SEGON: Expausar ath public pendent eth terme reglamentari de quinze dies abils, per miei der edicte en eth taulèr d'anoncis e en eth BOP. En cas de non presentar-se reclamacions, er acòrd sera ferm. En cas contrari ,eth Plen dispausarà deth terme d'un mes, comptat des dera finalizacion deth periode d'exposicion publica entà resoler-les.

Sometuda era prepausa a votacion s'apròve per unanimitat.

9.-ESTABLIMENT DETH REGIM D'INDEMNIZACIONS PER ASSISTENCIA EFECTIUA A SESSIONS DES ÒRGANS COLLEGIADI

Damb caràcter previ ath debat e deliberacion der ahèr, cossent damb çò dispausat en er article 82.3 deth RD 2568/86, per unanimitat des assistents s'acòrde era ratificacion dera urgència, e totun a continuacion se procedís a debatir eth hons der ahèr:

Per Alcalde s'expause que motivat pera creença de qu'eth regim d'indemnizacions per assistència efectiua as sessions des organs collegiadi continuaue vigent totun eth canvi de corporacion, comportèc era non inclusion d'aguest ahèr en eth Plen deth cartipàs deth dia 16 de junhsèga de 2.007, pera quau causa ei de besonh eth someter-le en aguest moment a consideracion deth Plen.

Interven eth Sr. Jose María Castellà entà díder qu'en eth sòn cas e cossent damb era sua situacion laborau actuau, se reserve era opcion a renunciar ath crobament des indemnizacions, s'atau resulte der estudi e examen qu'a d'efectuar sus era possibilitat legau de crobar-les.

En eth madeish sentit de çò indicat peth Sr. Castellà se manifesten es Srs. Folgar e Barrau, e era Sra. Medan.

Eth Plen per unanimitat acòrde:

PRUMÈR: Establir que, damb efectes dera data de constitucion deth nau ajuntament, eth regim d'indemnizacions pera assisténcia efectiva as sessions des organs collegiadi, serà eth que tot seguit se detalhe:

-Plen, 100 euros /session

-Junta de Govern Locau, 50 euros /session.

10.- CONTRÒU DE GESTION DER AJUNTAMENT: INFORMES ALCALDÍA PRECS E PREGUNTES

En aquest punt dera orde eth dia, pren era paraula er Alcalde entà informar:

1.-Relatiu ara òbra de Mielhora dera Trauessèra de Bossòst, manifeste qu'en eth moment d'entrar en er Ajuntament ,creiguien qu' aguesta actuacion comportaua era execucion integrau de tot eth passeg damb es lateraus e er enlumentat, mès se traperen damb era sorpresa que çò que contemple eth Ministerio de Fomento ei en er ambit dera carretera Nacionau damb era rotonda enquias compòrtes, mès non contemple es lateraus, ne part des trepaders ne er enlumenat, pr'amor que non se contemplen en eth projècte, pera quau causa Foment executarà part des trepaders e en serà a cargue der ajuntament eth finançament des partides corresponentes ath godronament des lateraus, e es trepaders a executar ath costat deth muro deth riu enquiath er arbrat, en eth tram comprenut enter er Hotel Garona enquiath pònt e enter pònt enquiara Vasca, e totun er enlumentat de tot eth passeg.

Interven eth còsso Sr. Manel Barrau entà indicar qu'en ajuntament sonque existie ua fotocòpia d'ua documentacion tècnica, e qu'ena amassada mantenguda damb Fomento, se les expliquèc que non ere previst era enlumenat pr'amor damb çò pactat damb er equip de goven anterior.

Interven Sr. José López e ditz qu'ena amassada mantenguda damb eth Sr. Romero ena que i eren presents es Srs. Felipe Delseny , Máximo Rodríguez e eth madeish, s'acordec era supression dera rotonda projectada ena bòrda Lusia e a canvi procedirien ara installacion der enlumentat deth passeg.

Continue eth Sr. López diguen qu'era informacion facilitada peth Sr. Romero as diferents equips de govern, a consistit en facilitar-les ambdus ua version diferenta .

2.- Interven eth Sr. Alcalde diguen qu'en responsa ar escrit presentat peth còsso Sr. Daniel Burguete García, registre d'entrada de 4 de seteme de 2.007, relatiu ara sollicitud de informacion sus es òbres que s'amiauen a terme per Antonio Peremartí Fort en passeg deth Portilhon, expause que coma conseqüència dera presentacion deth referit escrit se procedic entàs 14'30 minutes deth madeish dia a parar era òbra , e per escrit deth dia 7 de seteme de 2.007, se li ratifique era suspension des òbres e se li requerís ara presentacion dera documentacion tecnica de besonh. Eth madeish dia s' informe per arquitecte tecnic municipau que non conste ena documentacion eth projècte era actuacion.

Eth dia 21 de seteme 2007, eth Sr. Peremartí presente era documentacion tecnica entara construccion d'un locau semisòtano, eth madeish dia s'informe favorablement peth arquitecte tecnic municipau, procedint-se eth dia 28 de seteme pera Junta de Govern Locau ara aprovacion dera licència d'òbres.

Interven eth Sr. Daniel Burguete entà manifestar que non auie anim de perjudicar a d'arrès senon qu' auent observat aquera actuacion volien saber coma estaue.

Eth Sr. Lòpez vò saber se poden auer accés ath projècte e ar informe tecnic,

Er Alcalde li manifeste qu'òc que pòt accedir ar expedient.

Reiterant eth Sr. López que non existís cap d'anim de perjudicar a d'arrès.

3.- Sus er escrit de José López de 10-08-2007, relatiu as pagaments deth 5% que Gerval a d'abonar ar Ajuntament en concèpte deth tarcumer de Bossòst, er Alcalde manifeste qu' existís un deute der Ajuntament de Bossòst damb Gerval corresponent ar exercici 2.005 per impòrt de 4.055 euros, que s'a de compensar damb çò que deu Gerval e tanplan procedir, un viatge presente Gerval es factures, a practicar era liquidacion deth 5 % sus eth totau dera facturacion de Gerval en concèpte deth uedament des tarcums corresponent ar exercici 2.006.

Continue indicant qu'estan ena fase d'ellaborar d'un nau conveni enter eth Conselh Generau d'Aran, Ajuntament de Bossòst e Gerval, entà fixar era contraprestacion a perceber per Ajuntament.

Eth Sr. López manfieste qu'en en sòn moment Gerval realizec un ingrès a compde, mès non presentaue es factures justificatiues deth referit ingrès, e en çò relatiu ath conveni deth que parle eth Sr. Alcalde, s'a de díder qu'aguest deute ei anterior ath conveni.

Er Alcalde torne a intervier entà indicar qu'a Gerval se li deuie 4.055 euros, que Gerval ar Ajuntament 4.300 euros, e que Gerval s'a comprometut a presentar en er

Ajuntament eth pròplèu deluns o dimars es factures corresponents as uedaments der an 2006, entà d'aguesta forma poder practicar era liquidacion .

Eth Sr.López manifeste que cossent damb çò establert en eth conveni vigent ei trimestraument quan s'an d'entregar es factures, e estam parlan dilheu de quinquenis, ei a díder eth deute le portam arrastrant.

Er Alcalde ditz que damb era presentacion des factures, se va a procedir ara ellaboracion d'un nau conveni.

4.- En relacion damb er ahèr deth veïcle municipau, er Alcade ditz que per part deth Sr. Lopez se sollicite er acta d'inmovilizacion des Mossos, mès non se li va a dar perque non i e, e que cossent damb era bona relacion des Mossos d'esquadra damb aguest ajuntament se procedic ath depòsit deth veïcle en eth lòc en que se trape ubicat, en tot diguent-le ath personau dera brigada d'òbres de que se baïshessen deth veïcle, entreguesen es claus e le inmovilisesen pr'amor que se non auriem de procedir a mèter es dispositius entà inmovilizar-le e sonque per aguest advertiment dejà auriem d'èster contenti.

Continue en tot diguen qu'eth Sr. López ena sua condicion de còsso responsable dera brigada d'òbres e auie era obligacion de saber s'eth veïcle auie passat era ITV o non enes darrerri 3 o 4 ans, e sustot pensant de qu' en cas de sinistre era asseguranca non cobrís es danhs.

Proseguís er Alcalde, e ditz qu'eth Sr. López proporcionèc as Mossos d'esquadra es mieis entà inmovilizar es veïcles, en tot contactar damb era empresa DUC entar aqueriment des cepos que servien entara formulacion de denoncies en Bossòst en tot comportar ua despena de 1.206'50 euros, mès curiosament eth veïcle municipau non passe era ITV, e enteres aqueres denoncies poderie auer-se formulat denuncia contra er Ajuntament de Bossòst.

D'aute biais comente qu'a rebut trucades dera empresa DUC entà que se li paguesse er impòrt dera factura, e a agut de contactar damb eth gerent e totun aguest a acceptat eth retorn des cepos, pr'amor dera consideracion de qu'er ajuntament de Bossòst non a de d'autrejar as Mòssos d'Esquadra es mieis entà denonciar era nòsta hònt de riquesa com ei eth torisme. E deth totau pendent que pujaue ar impòrt de 1.206'50 euros sonque calerà pagar 301,60 euros qu'an retengut en concepte der us e era manca de claus.

Manifeste er Alcalde qu'ei content de que non agen denonciat ath pròpi ajuntament e d'aguesta forma procedir ara collocacion deth cepo corresponent, çò qu'auesse comportat era gessuda enes comentaris de boca en boca sus aguest ahèr.

En aguest moment dar trasllat dera còpia des factures ath Sr.López .

Continue diguem que se trape que hèr justament quate dies se li ha reclamat peth propietari deth restaurant a on auec lòc eth dinar de nadau eth pagament dera factura, atau coma tanben se li reclame eth pagament des cistalhes de nadau, drets d'autor dera hèsta per 10.000 euros, e totun ena amassada mantenguda damb era abogada Sra. Jaquet se reclame eth pagament deth deute pendent damb eth sòn client Sr. Moreu per impòrt de 14.000 euros en concepte des honoraris de redaccion de projèctes e direccions d'aguesta casa e a on se comente qu'eth Sr. Máximo Rodríguez les manifestaue que se volien que les metesse en eth Jutjat, mès que non i auie diners entà pagar-le. E ditz er Alcalde qu'està hent front a tot açò.

Eth Sr. Alcalde finalitze era intervencion en tot manifestar que sus er ahèr relatiu as cepos se poderie auer evitat.

Interven eth Sr. Lopez e ditz qu'era pregunta formulada sus er ahèr dera inmovilización deth veïcle municipau ven motivada per çò relatat per Alcalde en Radio Aran e deth pròpi acord adoptat en session dera junta de govern locau de 27 de junhsèga de 2.007.

Er Alcalde ditz que dejà se li a contestat a d'aguesta quesiton.

Eth Sr.Lopez ditz que volerie continuar sus aquest ahèr, pr'amor que considere o ben non existís er acta d'inmovilizacion o ben ei mentira çò indicat per Alcalde, çò qu'ei molt greu en un Alcalde.

Continue eth Sr. Lopez e manifeste qu'er Alcalde ditz qu'eth veïcul ei inmovilizat, mès li a de dider que per non pasar era ITV non se inmovilizen es veïcles, e més a mès eth veïcle a continuat circulant , per tant er Alcade a mentit, non ei vertat non i a acta e açò met en question era credibilitat que merite er Alcalde.

Sus era motivacion d'encargar es cepos,eth Sr. Lopez ditz que surgís dera sollicitud que formuleren es mòssos d'esquadra, entà poder sancionar as veïcles francesi pr'amor que ò se les crobe en man ò non se poden crobar es sancions, d'iguau forma que an hèt toti es ajuntaments, e atau s'ei mès just tant damb es infraccions des nacionaus coma des estrangers, encara qu'a de dider que ja li semble ben era decission adoptada per Alcalde.

Eth Sr Alcalde ditz que çò que cau ei susvelhar peth turismo.

Eth Sr.Lopez ditz qu'òc mès d'un turisme de qualitat e damb orde.

Er Alcalde replique ath Sr. López en relacion damb era sua intervencion en qu'a manifestat qu'er Alcalde mentís, indicant-le que çò que a de dider ei que se retirec era denuncia mès entà que passesse era ITV, e se les acompanhe ara brigada entà que deishen eth veïcle, constituint ua inmovilización verbau.

Eth Sr Lopez reitere que non i a inmovilizaci3n se non i a acta , e coma non i a acta non i agut inmovilizaci3n, e pera manca de passar era ITV non se inmobileze as veicles.

Inteven eth c3sso Manel Barrau enta dider que non i a mentira der Alcalde.

Eth Sr.Lopez continueu diguent qu' eth veicle a continuat circulant.

Er Alcalde conteste ath Sr.Lopez en considerar qu'ei ua question dera sua paraula contra era der Alcalde, e que non a parlat d'acta en cap moment, e se Salardu e Vielha poden h3r 3 que volguen compran o non compran zepos, e en Boss3st s'a passat un ostiu sense eth besonh der us des cepos, un ostiu en que non s'an formulat practicament denuncies, e damb er ac3rd damb es Mossos d'esquadra ua persona a facilitat informacion sus es l3cs de parcatge, non generant-se problemes.

5.- Informe er Alcalde sus era execucion des 3bres dera Trauess3ra de Sorieus que comenaran era semana que ven, tot eth letrero aqui collocat des de f3ra temps, e totun van a ester 3bres que van a executar ar iguau qu'era execucion deth carr3r Mossen Cond3, a on er ajuntament anterior auie perdut molt de temps, e continueu diguent qu'abantes de perde es subvencions an anat ent3 Lh3ida pr'amor de solventar era situacion e totun arribar a un ac3rd ent3 qu'es carrers se poguen executar.

Informe tanben sus es tramits efectuadi ent3 mantier vigentes es subvencions de 45.000 euros entath finanament dera compra der edifici deth cine, de 150.000 euros entara construccion deth p3nt, atau coma eth proj3cte der enlumenat public qu'anaue contemplat des dera zona deth pont e que carreteres ac denegec, e per 3 qu'a calut procedir ara redaccion deth reformat deth projecte originau que auie estat redactat per hilh der Alcalde, e s'a procedir ara redaccion deth reformat per un nau inginier, e d'aguesta forma mantier era subvencion autrejada.

En tot dirigint-se ath Sr. Lopez ditz que tot aquer3 lo veir3 vost3 h3t, e 3 que calerie ei eth trabalhar amassa damb er equip de govern ent3 qu'es actuacions s'amien a terme.

PREGUNTES.

1.- Interven eth Sr. Lopez e demane sus era data de comenament e placi d'acabament des 3bres de Sorieus e Mossen Cond3, 3bra que dej3 estuaue tot en marcha damb era adjudicacion des 3bres.

Li respon er Alcalde qu'aquesta actuacion estaue perduda.

Pren era paraula eth Sr. Lopez entà indicar qu'eth problema entath començament des òbres venguie der hèt dera dificultat dera empresa adjudicataria en eth moment de subcontractar.

2.-Eth Sr. Lopez demane en relacion damb er acòrd adoptat pera Junta de Govern locau de s'era non proibicion deth pas de camions peth carrer Sorieus, s'ei temporau o definitiva.

Er Alcalde conteste que lo estan someten a consideracion e estudi.

Manifeste eth Sr. Lopez de qu'eth sentit dera proibicion entara circulacion des camions de tonelatge e longada fixada, auie tanben coma coma intencion er evitar que s'afectessen es façanes dera casa de Dario o era propia comunidad Virgen de las Nieves, e continue diguen que non li semblarie just que se retiessen ues senhaus de proibicion entà afavorir a Boya e non se retiessen es collocades en parçan dera Borda Lusía e antic collegi , pr'amor qu' era igualtat a d'ester entà toti.

Er Alcalde ditz que aran es consideracions que creien de besonh sus aguesta question.

3.- Pregunte eth Sr. Lopez sus es òbres de servicis que s'estant amiant a terme en carrer Piedat, e sollicite se li informe sus eth motiu dera modificacion deth projecte en quan ath sòn traçat.

Era Sra Baron li conteste que eth motiu dera modificacion deth traçat ei a resultes dera disconformitat de propietaris deth parçan dera Toquera, que presenteren allegacions ath projecte iniciau pr'amor de que consideren propietat privada eth passatge qu'e i a enter es bastisses de Riart e Mases, çò qu'a comportat eth que pera empresa promotora se procedisque ara modificacion deth projecte en tot passar peth carrèr Piedat.

Interven de nau eth eth Sr. Lopez e demane sus es motius de qu'eth carrer Piedat permaneshe lheuut.

Er Alcalde informe qu'era òbra a estat paralizada per orde der Ajuntament pr'amor non s'executaue tanplan coma se auie de realizar. E damb er inconvenient actuau de qu'er encargat dera empresa constructora per problemes familiaras ei dehòra dera val d'aran, mes eth dimars aurie de presentar-se ena òbra, e amassa damb era promotora dera actuacion, continuar es trebalhs de forma que s'executen en condicions e damb es materiaus adequadi.

Eth Sr.Lopez indique que calerie ramplir er orat damb terra, tanplan entà qu'arrès s'hesque mau.

4.- Eth Sr. Daniel Burguete demane sus era collocacion des biondes dera pista de Bossòst a Arres, pr'amor era perilhositat evidentà que comporte eth transit pera madeisha.

Eth Sr. Alcalde li conteste qu'aguesta actuacion era amier a tèrme eth Conselh Generau d'Aran e non er Ajuntament, mès que se procedirà a revisar eth projècte.

5.-Pren era paraula eth Sr. Daniel Burguete e demane sus es criteris que se seguissen entara retirada des bordilhos de granit, corresponenti ara òbra deth Traussera de Bossòst.

Er Alcalde li conteste qu'es bordilhos que se poguen aprofitar s'aprofitaran, e es auti se cambiaran damb era collocacion d'uns de ciment

Interven eth Sr. Burguete e ditz qu'es de ciment se maumeteran pera sau dera carretera.

6.- Eth Sr. Daniel Burguete interven de nau entà demanar sus era entrega des actes dera Junta de Govern Locau, e mostre era sua queisha pr'amor que s'a entregat damb un retard d'un mes des d'era data de celebracion dera junta.

Peth Secretari interven en tot justificar aguesta demora en coincidir damb eth sòn periòde vacacionau.

7.- Eth Sr.Lopez ditz qu'en acòrd dera Junta de Govern locau de 19 de deseme de 2.006, en eth punt de precis e preguntes i conste era intervencion dera Sra. Marga Barón en tot diguen qu'ei un privilegi era disposicion deth garage pera metgessa que non cau acceptar, e inclus eth Sr. Francisco Rodríguez parlaue d'emprener accions legaus entath desalotjament, e ara que son en equip de goven quina decission an adoptat son aguest ahèr.

Interven eth Sr. Alcalde e ditz que precisament ager madeish s' amasserem eth e era Sra Marga Barón damb era metgessa e eth sòn òme, entà tractar sus era entrega deth parcatge e li autrejat un terme de 15 dies entà que retire tot çò que pogue auer depositat , e que tot seguit se procedirà damb eth canvi dera clauadura.

Interven era Sra. Baron, entà aclarir aspectes de çò tractat ena amassada en que nos exigie era cerca d'un parcatge e se li diguec que se l'aurien de cercar eri. E sus eth motiu deth besonh en cas d'urgencies mediques se li diguec qu'aurie era de trapar era solucion .

8.- Pren era paraula eth Sr. Lopez e ditz qu'eth Sr. Alcalde parle as mieis de comunicacion e va diguem qu'a adjudicat òbres, quan sap qu'aquerò non ei vertat e per tant mentís, pr'amor que çò ere dejà aconseguït ena anterior legislatura, prenent

as vesins per idiotes, qui li pòt creir qu'en mes e miei van a poder adjudicar ua òbra.

Er Alcalde se ratifique en çò dit, e atau remerque qu' ac an aconseguìt vostès, mès lo va executar eth, e sonque cau veir eth longtemps que pòrte eth carteu anonciador collocat en carrèr Sorieus.

Eth Sr. Lòpez mòstre ua fotocòpia d'article d'un diari en que se ditz: " ha adjudicado".

Continue era sua intervencion en tot calificant de penosa e falsa era sua gestion, per mentir e atribuir-se òbres ,era quau causa compòrte que non merite credibilitat en tot enganhar ath pòble que l'a dat confidança, e non sap s'atribuir açò a un dolent guioniste, e qu'aurie de reconduir eth guion a seguir.

Er Alcalde diz qu'er arrir li produic eth poble en tot determinar era composicion der Ajuntament en 7 a 2.

E sense mès ahèrs a tractar se lhèue era session en tot ester es vint-e-una ores e trenta nau minutes, dera que s'exten era presenta acta, que coma secretari en dongui fe e certifiqi.